

賴古堂集

賴古堂集卷之十

浚水周亮工櫟園著

七言律

正月四日五更大雪晨起忽念芝麓此時應
悲因樹屋中人作此奉簡

牆頭暮色渾能改林外枯形盡已反一夜壓殘因
樹屋何時白到老夫冤含悽意極空同鳥搵涕聲
乾不似猿爲語寒威須早霽新詩慙負故人恩

去歲冬天全不雪昨霄層積與階齊離披屋角羈
魂黯闌入鴉翎夕影低失意懷人時罷酒得詩強
僕曉衝泥關心十載秦淮事鶴氅逢君市隱西

臘月雪夜先生醉予
市隱園勿勿十載矣

人日雪霽冠五傳芝麓和予詩至冠五語予

從驢背上讀龔先生詩歡喜欲墮

快雪時晴正七日枯樹撐屋老氣新池邊看梅猶
昨夕牆頭過酒更何人却欣好風早晚吹徒憐絮
語慰藉真開門忽傳驢背字把之失喜淚滿巾

送朱士先還豫章

司李盧公客盧以予累死於都門士先扶其柩回

盧公正氣傾南北朱子交情重死生豈意斯人爲
我累獨憐好友載棺行風波到眼綢繆惑雨雪環
軀去住輕春水布帆天際望義聲吹滿豫章城

兒子南來壽格移尊過慰靜一老人同賦二

月十六日詩

鷄竿唱徹人爭聽鴉室聲寒我獨悲春色桃花心
半綻月明楊柳影初虧傷心競看卮來滿密語空
憐客去遲完卵癡兒能作念出門惘惘欲依誰

寒食前一日若士壽格冠五風雨集因樹屋
念老夫數日人世酒酣耳熱略述生平時
予所著書影初成故諸君子詩中及之

春風吹客客更生泥舍飢尋舊粥餉二月鶯花欺
逆旅一燈風雨逼清明屋梁書在塵空滿戶北人
來酒易傾後世相知誰訂我行藏肯爲老夫爭
芝麓舫齋字曰春颿

偶然飲酒生歸思。杯裏微聞欸乃音。鶴夢不離三
徑約。雁聲直逼五湖心。寄愁天上春。颿闊避世蘆
中秋水淡牽向秦淮。桃葉下數株。煙柳共蕭森。
硯北芙蓉擁蔚藍。花前作室舫相參。白調雙鶴晨
階寂。青惜千峰午夢酣。細雨移情過嶺外。疎卮逗
客望江南。一颿春水尋常事。何日眞成坐碧潭。

謝大潛初自中都來視我

三十年前白下住。謝家子弟共傳經。柳邊燈影廻
光寺。雪裏爐煙顧曲亭。幾見酒人不感慨。可憐老
伴盡伶仃。能來忍淚無餘話。但指西山雨後青。

京口王公量在獄投我一詩。悲予將不及見。

公量荅此

若盧閉處尊雙足只似江扉盡日關夢裏煙雲環
北固愁中風雨望西山新詩到手含悽讀舊侶何
時結伴還相約夕陽同命酒隔牆不負爾開顏
重五有感同冠五作時得紀伯紫卓初荔閩

南書

一絲兩絲難繫命階前堯韭細細香開函怪人知
我在閉門無事得君狂不分焚林尋介子頗憎當
戶長孟嘗南望故園兒女幼學插水臺解心傷
五更起坐走筆欲寄舍弟雙燕渡黃河弟句
也

乍然念爾淚空墮已識無家夢尚過酒力難成長
夜寐雨聲偏傍五更多飛殘暑氣霜看露冷到灰
心溺作波苦憶含悽慰我句盈盈雙燕渡黃河

七夕

露下看星老眼倦河邊覓路故園修殘生夢亦三
秋怯獨客心偏一夕悠掩淚城中占貫索從他樓
上望牽牛人間有別渾難見始識年年不是愁

補臣無間庭發望如諸君子見余得家信詩
皆拭淚相和同悲轉觸疊韻再成便寄靖
公弟兼示兒子

黃塵毒霧新蒙面枯葉寒花舊夢餘北寺人能尋

露布南天客莫看
爰書覆巢烏繞凝霜樹貼水鳶
驚下澤車後到休悲吾昔有同君
一宿過蘆廬

黃濟叔與人同姓字陷若盧一載餘今日得

白賦二詩送其還里同芝麓菌次賦

黃雲四出人能去
狂喜反增淚濕襟
驂下漫勞憐越石
杵前別自有曾參
因君竟有生還思
垂老須回痛定心
倘過寒家煩寄語
都亭正賦大風吟

理出煩君頻慰藉
棘叢五月共聯牀
何能襍被攜同伴
只覺溪巖是故鄉
遠信數行孤鴈淚
輕舟一路早梅香
裝成更爲鐫今日
百劫塵沙願勿忘

額行鐫勿忘
今日貽予

朝讞適有風異僉擬以疑
告適 天恩槩

減罪人死因置疑徙塞外

塵埃蟲臂猶爭見湯火雞飛尚自全續命絲長無
斷梗返魂香好有殘年恩膏此際同淪骨疑續誰
爲吹上天羊角已扶九萬里故人空賦大風篇

茲受吳公至公以令子漢槎累將徙塞外

衰年更遣度幽遐淚眼平增霧裏花萬里夕陽人
抱病一行斷鴈老無家鶉衣密補關門雪鳩杖牢
扶塞外沙報爾奇寒吳季子窮邊詞賦艷如霞
吳家桂樹鬱芳叢荒憬因留作寓公舐犢誰能容
爾老屠龍枉自教兒工殘書濁酒西曹雪襍被黃

沙絕塞風莫憶松陵煙月好管寧白帽舊遼東

見梅花

冷折誰憐歲暮情閒看空憶水邊橫
羈心厭見寒葩發月色偏尋壘室明
江上雪香靈谷寺嶺頭雨潤越王城
關山笛裏愁難聽更遣幽裝絕塞行

將移塞外先寄龍眠公暨諸同人

龍眠遷客古遼州白髮悲風淚暗流
雪急孤鴻號

散魯

散魯江通鴨綠

水殘瘠馬蹴陰溝

人寧古必度陰溝關

分田自

鑿洪濛譜

新至人授十畝

藉草聊當汗漫游聞道敝裘難

更著不知何計禦深秋

聞寧古奇冷人秋水雪如隆冬

苦向崇關認柳條
征人作賦馬蕭蕭
波翻鴨綠江

通藩磧擁黃龍海抱遼穴口投刀謀鼠韞

招常有物共穴

形類人能制招愛樂刀子人欲得招皮以刀洞邊

投穴口此物每夜出置皮刀邊見敬叔異苑

木忌鐵

削木剗侵苗麟麟日有南來轍始信長安

路不遙

焚輪大漠走哀風接踵衰殘馬又東朔雪經年浮

古塔老冰拖雨塞多洪

多洪在寧古半道春更之變水漫艱涉

一家

命薄重關外萬里鄉迷夕照中尚有餘生增如口

殊方句好莫教通

更從關外理征車鳥道遙看未有涯風緊黃雲新

簞策月明青草舊琵琶茗漿密構珍同藥

遷客無從得藥

獲敗茗視同上藥

菜粒新携玉祝瓜

問近有携瓜菜子夫者種亦問生

異

地人來真足喜開械一笑當還家

雨露美王公也

已傳雨露下楓宸痛哭陳書更有人休美賈彪消
黨禍真看鄭俠繪流民平時念動皆軍國半夜香
焚聽鬼神荒憬莫悲寒色滿天心觸處易爲春

黎媿曾過慰兒子過西昌時媿曾與大令宣
巖存恤備至

重來欲賦大風詩却值南冠放逐時江上背人開
短札舟前雪涕撫孤兒芳洲夢冷燈挑雨古驛情
生客罷卮纔見羈臣身又遠漫漫北望重君思
均臺消息未分明半夜哀風吹短檠細雨舟停楊

子岸清秋客夢豫章城分悲灑淚迷南北動色詢
人昧死生古戍雲低芳草歇知君兄弟最關情

初聞徙信寄白門羅星子高康生盧雉公方

爾止杜于皇胡元潤

柴車毳帳擁風靈區脫天高孰與偕一帶黃雲迷
戍堡半生明月夢秦淮書殘尚異同心續骨老憑
教絕塞埋消息從今難更達溪卮北向重君懷
已荷殊恩放逐臣枉君江上待垂綸荷衣蕙帶青
門客簾帽椰瓢紫塞人孤鴈欲銜霜後葉哀笳不
吹戍前春桃花艷勒宵征馬莫道遼陽信未真

王勝時作客淮海寄別

疎燈作客淚難收伏枕長淮盡夜流望遠不迷公
路浦懷人獨上仲宣樓回中日暮沙驅鴈磧裏霜
殘樹咽秋空憶惘川詩画好半生長計負漁舟
西曹別後客心傷白露誰教更一方笛裏梅花空
自吹嶺頭明月永相望甘從馬質爲遐侶不若牛
醫有故鄉移去動成千萬里音書日夜盼遼陽

寄閩南高雲客蔣用菽謝爾將

鐵幕猶煩勒馬催故園消息嶺頭梅難從酒伴浮
三雅自解詩囊詠七哀作賦久荒庾信宅懷人空
上越王臺閩南自昔無征鴈莫悵邊書不肯來

泣到閩關第幾圖

高雲客寄閩人四泣
紀至李雲谷爲圖

洪塘棹遠

客心孤南雲有嶺皆迴鴈北雪何人問射鳥絕脉
弓翻榆葉墜干蘭馬望草痕枯公孫尚有餘田在
敝篋新來舊腐儒

重過前岳陽太守李燦辰思鶴亭予赴閩日
燦辰送予東郊涕泗不忍別今忽忽七載
矣

傳聞未定見猶驚却憶東郊送我情一瞬煙雲新
白髮無多松菊舊柴荆重來莫厭終宵集垂老幾
爲絕塞行羨爾倦還詩更健枯筇尚挂楚江蘅
傾盡衢尊挽客裝脫籠鳥語夜偏長良書直擬尋
荒戍老眼真能見故鄉薤簞夢回蒼岳穩瓶笙聲

靜綠雲香負公十載還耕約耻向樓林話雪霜
勞勞下馬自披帷北郭先生隱几時世外懷人惟
是鶴思公失雙鶴以鶴名亭月中鉏藥盡成芝寒梅欲發詩
如水倦羽能還髻已絲大棘城邊雲影亂不知南
去却依誰

南還吳庭發至自毘陵高澄甫至自梁溪王
勝時至自雲間朱靜一至自秋浦申霖臣
至自吳門徐仲光至自盱江相慰感賦

北轍南轅意倍縈羣公千里慰惓惓新還不夢家
曾到再見反疑客更生江上分風吹短棹燈前制
淚約浮萍庭花亦識人來好可奈烏啼白下城

東陶吳賓賢貧病工詩汪舟次手錄其近作
相示頗有同調之感舟次且爲予言賓賢
近札有夕陽殘照于時寧幾之語櫟下生
痛賓賢或真死不及見矣爲賦一詩急令
舟次寄示賓賢

無意間從汪舟次把君詩卷淚交承同調于今寧
幾見斯人當世未有稱老病行藏一徑菊亂離兒
女滿床水頗恐傳聞真卽死新詩呼朋細細謄

汪舟次每見予輒言賓賢不置予旣爲一詩
寄賓賢感舟次于賓賢纏綿悃切復作此
與舟次

幕得一士朝相告爾與吳生交有神細寫新詩急
示我惟恐當世失此人五字七字聞聲欬清酒濁
酒共咨詢大笑國門多知己姪姪亦解嫌其真

同許天玉程穆倩集許力臣師六宿影亭卽
席分得楓字

只擬良書絕塞通百年卮酒更相同可憐邗上初
聞鴈不信吳江但落楓萍跡嚴霜前楚客簫聲明
月舊隋宮休聽宿影亭邊雨滴盡南天萬樹紅

十八兄開也左右亮工患難數年于外已亥
七夕爲兄六十初度亮工在請室不能相
祝越三年辛丑亮工南還又一年兄始別

子還里予始和諸君子詩爲兄壽欣感交
集望始不及此矣

關心骨肉耐風波痛定驚看髮盡皤北地夢魂邊
塞遠南天別恨弟兄多寧知請室三年淚得賦華
筵七夕歌莫悵征鴻容易去相期將壽補蹉跎

同唐祖命梅杓司王玉式集任貞生雪礪卽
席賦

幾向柴門認劫灰春風又吹故人來鶯花舊夢長
干臥雨雪新痕絕塞回痛定猶驚天外塔情生欲
罷掌中杯莫慙老眼蕭條甚明日同登周處臺

過宮紫玄春雨草堂

髯公小築古銀灣檻外時看鷗鷺還半畝惟欣春雨足百年獨愛草堂閒空餘几隱稱南郭未有文移自北山一過嶺頭十六載聞君歲歲戶常關

客吳陵張天任自延令過慰

荒園薜荔鬱樓林亦識君能載酒尋密雨不停溪夜棹逗寒久動故人心卮前滄海仍清淺意內浮雲自古今嘆老嗟卑吾未免相期作伴煉黃金

田雪龕張天任宮紫玄張詞臣劉膚公黃仙裳陸右臣宗定九黃濟叔宮武承集春雨草堂次膚公韻

幾逐黃雲出玉關誰教髣髴不成斑仰看大月杯

難盡重到名園致未刪雨過且停觸暑棹人歸爭
認鬪霜顏窮鱗頗識量羅密夢得金錢欲買山

送許玄若還虎林

空囊半載秦淮住渡口朝朝詠式微豈意文成無
地賣猶欣老至有家歸盧舟送客風偏逆昔酒驅
愁力不威出處相看何處是君還莫傲釣漁磯

與謝仲美

好風好月秦淮住同俯朱欄理釣竿幾度鶯花吾
輩老百年蘿薜酒杯寬芳洲楔罷拋書臥絕塞人
歸借畫看但得煙雲常作供不須努力已加餐

與鄒方魯

尊甫滿字隱君
以節霞名閭

板橋花隙種桑麻織屨先生佬憊家只識前修真
寂寞應知後美賤繁華關心明月人千里過眼煙
雲盡一父肯羨東隣釜底熟寒門久已節松霞

與樊會公又新浴沂

兄弟東園戶自封不教人世見全龍疎燈夢穩長
橋雨破硯欹磨近寺鐘白墮荒唐胸五嶽青來迢
遞筆三峰北山雲樹蕭條盡老去朝朝拜廢松

與胡元潤元清

君家兄弟予兄弟二十年前訂古交眼底何人爲
續客林中許我結重茅長貧只合終身醉漸老猶
慙百念消莫憶燕齊閩越路門前芳草費推敲

湯旌三約同鄧萬子登平安山山高峻巔殊

平曠望石曰湖在衣帶間

菱溪曲曲羣山繞出郭幽尋最上頭無定松聲千
澗雨半空嵐影滿湖秋人間頗有清涼地我意真
爲汗漫遊莫怯巉巖歸欲速老僧眠處盡平疇

同湯旌三鄧萬子集馬寅公秀才齋中贈之
小結林亭獨著書硯田清露滴櫻欄怡親自釀中
山酒入饌偏宜石曰魚黃菊正開留客坐白雲無
恙帶經鉏溪燈共對休嗟老帙裏神仙字有餘
從山後倒入無想寺與僧惺悟

陰森枯柏迷無路倒聽鐘鳴有佛場欲踏高巖看

石曰休捫古碣話蕭梁
敝廬響滴千山雨破衲新
縫九月霜莫指寒花畱客宿暮雲哀壑易心傷

劉素先初度

長君一歲君顏好喜小陽春
五十初白下花香年少酒關門月冷故交書滄桑到眼人空老
將相垂成事又虛莫爲行藏頻攬鏡相從且買看山車

與吳遠度雲林白馬峰予與遠度家在其間
幕外青霞自卷舒依君只似住村墟枯桐已碎猶爲客妙畫通神獨示予
過雨閒拖花徑杖臨風對展柳陰書溪巖莫戀青溪好白馬雲林舊有居

與高蔚生兼示康生

我友高岑國士風，少年期作黑頭公。但悲龍劍猶藏匣，不信虬髯可挂弓。白首人來新雨後，青溪酒盡暮煙中。薜蘿兄弟牆東好，一字休教與世通。

將發青齊閩中毛文山孝廉適至卽賦別

白雲同賦義烏詩，却憶湖中撥棹時。明月亦隨人盡老，春風又吹客何之。方慙欲入無溪密，敢謂能來有別離。滿醞青州紅露酒，期君早看上林枝。

青齊得從化孫斯百大令書子與斯百別于

此地垂二十載矣

十年我亦住炎方，逃聽聲名遍五羊。政異雉邊童子靜，詩柔花外女兒香。丹榴帶水層層錦，白月犁

田曲曲觴老眼羞開書萬里懷人又渡古康浪

旅壁步王西樵韻時方憂旱

頗較樽前身後名閒雲冉冉孰爲京三都豈必煩
玄晏五岳無心待向平古道塵沙閒自撲故園巖
壑日相爭雨工遮莫全龜拆一任清涼岸上行

夜過劉藥生長白村莊

石砦南邊淦水頭殘書濁酒爲予畱危橋半度雲
扶客弱柳全垂月覆鷗觸緒家園新燕壘移情筆
墨古鴻溝門前徑徑桑麻好百事輸君夢亦幽

新秋過陽丘見西樵貽上旅壁詩用西樵望

女郎山韻寄懷貽上

鷁尾曾期春盡還秋風已吹穆陵關
邦江淨極孤帆穩
潑水源溪永夜煖舊夢依然桃葉渡
新詩只詠女郎山
家園共有蒹葭色見月誰能放白鵬

夜同王國儒孫河柳高伯羣集馬三如源思

齋中值黃心甫自惠山至聞黃濟叔作古
老去詞名豈浪傳扶輪獨擁布衣權
可能真見無雙色不若閒斟第一泉
詩喜濟南來魯伯人悲海岸失成連
山陽笛裂秋雲冷剩有鶯花妒大年

登超然臺望馬耳山用謝在杭韻

層疊蓮峰天外開荒陰冷逼古城臺
何能便向山中住憾不遲從雪後來
一拜前修惟命酒但登高

處易興哀殘碑斑剝知誰好展齒休輕破綠苔

雨中宿滄浪園示丁魯瞻顯若

雲門客子擁孤衾亂水環亭海氣森委宛懷人三
徑曲參差入夢萬松溪

園在超然臺下舊多虬松

投簪未許燼

霞臥垂老猶爲雨雪吟莫傍高臺急望遠歲殘單
外欲歸心

過傳逸菴四本堂

烽燧移人述故里小培杞菊古城灣開畦自種琅
玕稻隱几閒看馬耳山舊德殘書紛袷褐新詩大
海擁蒼顏絳紗帷後傳經士白首登堂淚欲潛
雨中五蓮僧來相期往遊不果

蓬蒿亂闢巉巖住大冷枯筇爲我來急雨聽爭滄
海闊高僧見當五蓮開能充末座猶非晚每叩晨
鐘祇自哀別去休從雲際望漫漫野馬與塵埃

東武懷古

更遣雲門客渡濰泚東下盡荒陂秋風野水韓
王壩落日高臺李相碑石址空鞭山鬼骨桑田亂
墾海龍皮當餐頗憶如瓜棗幼渺仙人不可期
姑幕城頭萬木號波光浩蕩客心勞羣鷗欲往迎
朝旭獨鶴閒來聽晚濤古寺知誰傳伏湛名山應
只隱盧敖能從海厂畱三月不得仙人亦自豪
波濤騰處亦飛塵蜃吐奇懷麗矚新霸氣縱橫秋

雨漫仙風隱約野煙冥峰窮碧落爭趨海客到天
門欲問津黔首舊傳三萬戶不知今剩幾秦人
嵯峨巖壑苦躋攀大海南遵第幾灣客况駝頭東
莞郡歸心鴈背穆陵關琅玕赤映方升日泰岱青
分未了山老髻羞慙霜雪滿長淮路近不知還

病肺讀李渭清海鷗集時贈端石

仲蔚窮居漫自哀溪巵許我共登臺不知鴻跡終
何住漸喜鷗情肯下來絕代雄文當七發盈函妙
石愧三災衰殘竟有飛揚思麗帙新從大海開

城陽南望寄舍弟靖公

五陽城郭草迷離
亂客登臨意屢移
雨過寒河尋

水向

夜頭水一名向今沂州向城鎮是

月明蕭寺夢花之

花之寺在沂州

西 孤行只愛王修傳朴俗先瞻子夏祠南望自悲

鄉里近青山隱隱髻絲絲

計斤亭下晚驅車胙土猶傳少昊餘古鼎人空尋
莒父荒祠客自拜朱虛山連斥鹵皆名島地近浮
來好結廬小弟看雲應憶我沐南沐北覓雙魚

哭許有介

冀北淮南昧所之迷陽胷足使君思蠅頭詰曲懷
人札豕腹彭亨傲客詩八閭夢迴霜滿岸三山信
到淚盈卮生還莫謂非吾累心碎寒鴉夜話時

君在

白雲司作寒鴉夜話圖予爲補長歌

哭徐存永

維揚別去黯傷神聞說全家盡出閩可憾長沙真

怨府又來鵬鳥喚詞人

存永客死善化

雲曹枳棘三年夢

湘水芙蓉萬里身伏地詩成天欲晦

僕在西曹存永往大梁僕

伏地爲三十三絕句送之存永讀之哭失聲

記君冷淚哭孤臣

哭陳開仲

開仲沒於湖上昭慶蘭若

當時我客皆鈞黨悲颯填胸爾不任鶴骨難支蕭
寺雨鵲魂彳亍故園心披帷老蠹號殘帙漬酒窮
交哭斷琴累盡所知身未死風前愧有淚淋淋

穆陵關欲雪同劉公蕃司李用弇州韻

大弁峰高雪意懸鬢髮凍柳映寒泉閒雲自逐孤

鴻去衰草難畱狡兔眠馬首旌旗殘歲月溪邊瓦礫舊烽煙重裘不壓巖關冷却憶南來二月天

過東莞武劉二孝廉載酒談花之寺爲沂之

勝境同楚中劉公蕃賦

諸葛溝前雁影疎寒歸海縣暫停車佳名獨愛花之寺隱地誰尋石者居胸詞人傳國作石者居于雲黃山中且喜酒成真露青酒皆以露名劉家莫言松化便爲樗吳雲楚水知非遠二十雙田正好鉏

禮沂山東鎮神祠同劉公蕃賦

青女朝廻曳碧羅沂笳響處萬聲和登封尚有軒轅跡禮日猶傳漢武過百丈崖懸雲漫滅千年柏

擁雪婆娑靈旗翠羽人天界作鎮由來氣象多

百丈巖瀑布同公蕃賦

雷耕石骨劈巉嶢波詭雲騰百丈高競道春飛花
五色那堪雪定玉千條支分泰岱山容闊勢接蓬
萊海氣驕白日增寒人影肅空巖木葉響蕭蕭

送陸違之還三山兼壽其七十

陸公七十道氣淡作客不問愛苦吟秣陵穆陵常
獨去清露濁露時共斟暫歸尚思遊白岳垂老那
識重黃金餘生畢竟鄉園好君家西泠我雲林

送朱靜一還九華

蕭條襍被好容顏七十懷人涉遠山永夜雁聲秋

東坡先生集卷一
浦棹寒風驢背穆陵關漁樵虛負當年約髣髴羞
慙近日斑半臂九華徒自繪誰能隨意共君還

陸咸一招同陳階六張鞠存楊修野宴集卽
席分得歌字

落盡桃花酒欲波春風作勢吹黃河快心空有丁
年夢苦語偏傳子夜歌幾日知交餘墨瀋

偶及萬
年少并

王雪蕉
筆墨事

半生踪跡艷漁蓑憑君却憶閩南事丹荔

垂垂映客配

丘曙戒季貞招同宋牧仲陳階六張鞠存楊
修野陸咸一張虞山杜湘草諸君子宴集
卽席得鴻字

淮南淮北逐春風，異地逢人鳬浪中。帆轉湘江家

一到

時曙戒自湘江暫歸里門

詩傳海表客能同

曙戒同虞山有海表集

飛花豈盡樽前落，老眼常從物外空。心醉二難情

話好不隨雲影認歸鴻

王珂眉自襄垣過訪以蕭尺木墨妙見貽卽
步見贈韻並寄尺木

對爾飛揚不自持，兵戈還授一囊詩。柳垂門巷烏
衣暮，煙滿溪灘雪棹遲。丹荔新香紛小院，紅蕉細
雨罄溪卮。魯明江上多沉隱，能寫雲山寄遠思。

陳階六謙六招同孫惟一張虞山杜湘草集
恭恕堂卽席得頻字

青女初回客路迤勞勞又拂去來塵雨餘掃徑看

黃葉燈影含毫憶故人

同王雪蕉萬年少賦詩此堂二十年矣

漸老

難期謀面數將離不厭舉杯頻蕭條河水終年闊
莫倚漁舟好問津

荻江阻風如松菴次張黃岳韻

莫羨僧同埜鶴森平時我亦踞高岑孤松寂寞生
幽籟萬荻蒼茫送夕陰却喜舟中能載酒何人江
上獨行吟老來但學無生樂縱有仙芝不耐尋

何省齋渡錢塘回出冬至前一夜燈下獨酌

見懷詩相示次韻奉荅卽送其先返白門

並寄次德

寒風凍硯渾難開未許含毫試竈煤燈影懷人淡
夜坐雁聲引客大江回前時共約秋初棹幾日相
逢歲晏杯爲報候門諸稚子應知早晚亦歸來

壬子春正渡江汪長玉舟次招同程穆倩汪
秋澗孫豹人吳野人冠五仁趾集玉持堂
卽隔長江跡豈疎登堂更使客心舒猶能共罄重
來酒不復頻思未見書帶水依然繞舊郭條風着
意吹安廬開春老態飛揚甚入座私矜六十初

賴古堂集卷之十終

賴古堂集卷之十一

浚水周亮工櫟園著

五言絕

題胡元潤畫定州雪浪石

古雪崑雲根峩眉天之半遙聞鏜鞳聲莫向石中看

沈休文帶圍

和客未竟

支體不相關懸車猶未請可憐衰病翁瘦盡風流影

陶靖節無絃琴

抱琴卧北窗自謂羲皇上如何無一絃能使衆山

響

李太白韓

安能見此輩不醉復不憤吾足有奇氣莫使刑餘
近

將發汀州過順昌燕子巖

何因出翠幕經歲卧滄浪亦識風波苦心卑王謝
堂

閩中諸花皆早發惟菊經冬始茂

九月不知寒寒花無處擷蕭然籬落間詎肯因人
熱

毘陵舟中不寐

枕下送潺湲奇寒透人脊忽聞欸乃聲小艇夜何適

躑躅

躑躅無良步老兵夜擁門平時隨意去不解是天恩

七言絕

夢墨堂試燈分得浮字

亂後張燈賦遠游歌當艷絕易爲憂縱橫冷淚無從滴杯裏濃看客思浮

課童子插碧桃膽瓶中

遠近頻移態屢商美人原只在三湘此中花事無

時節獨有桃花似故鄉

有感次壁上韻

煙中猶夢綠蓑衣十載江南覓釣磯誰爲飢驅落
世網駝頭不敢厭塵飛
古道煙寒過客疎蕭蕭羸馬任殘書十年七度洛
河水却夢嵩陽有敝廬

內人剪綵製芙蓉燈供大士

浣手龕前繡佛心芙蓉火底莫相親釧間百八珠
光好纓絡垂垂淨梵音

順昌舟中夢舍弟靖公

颼颼秋風客暗驚空山夢爾阻予行傷心四載三

相見獨有音書是弟兄

大清明曲

將樂歸化人以三月爲小清明八月爲大清明展墓者間小廢無敢大廢者火焰山下壤皆正赤紙錢遍野雪如霞如戲作大清明曲

孤墳亦識歲時更短竹齊挑八月蠟赤壤青松雪色紙鏞州獨作大清明

銀瓶山下展新塋蠻盒紛將橡栗盛敢向春風偏認小長眠人亦畏秋聲

枯體欲共鐵犁爭閱盡春秋鬼不盲莫嘆雲初渾忘却舊墳強半小清明

常歲清明兼大小邇年亦有小清明可憐風雨今

朝望胃足迷陽螭蛄聲

九龍灘口號

渴龍無數截中流一葉斜從石隙浮解纜戒人咸

莫語齊編竹箬裹船頭

昧爽劇飯羣起操舟長年彼此不通一語不獨戒舟

中人也過峽時尤嚴解纜時畏神知吾往過峽時畏龍知吾渡也

編竹箬箱裹船頭以拒怒浪實則分寸少失觸石立碎箬無能爲也

雪花翻滾浪聲訥十八灘前九曲龍估客到來齊

減載逆風駕起護波篷

舟出水下借篷力以上逆風揚帆期少齟齬實則灘

勢急帆卽怒觸不敵也

刑牲載酒拜龍頭安濟祠中箬亂求費盡土梢無

限力過龍便自賣清流

買閩舟者利得清流謂其濟險九龍則無險弗濟也

長年輒以此自多近殊有冒清
流者過他灘無辨過九龍敗矣

都將絆索換新樓曲曲防他八面風却笑長年堅

似鐵甘心膜拜土梢公

閩人有紙船鐵梢公之謠土梢公世居龍上習水性奕

世相傳咸精其業舟人入灘例倩最能者爲之防護護一舟下返護第二舟蓋世其業者只數姓姓又只數人誓不傳之於外故不易遇云

舟次桃源洞家人以吳釀至僂寄王伯常

一散泉香任拍浮月明錦帳足風流芙蓉十萬峰
頭爛肯伴吳兒醉虎丘

閩茶曲

龍焙泉清氣若蘭士人新樣小龍團盡誇北苑聲
名好不識源流在建安

建州貢茶自宋蔡忠惠始小龍團亦創于忠惠當時

有士人亦爲此之誚龍焙泉在城東鳳凰山下
一名御泉宋時取此水造茶入貢北苑亦在郡
城東先是建州貢茶首稱北苑龍團而武夷石乳
之名猶未著至元設場于武夷遂與北苑并稱今
則但知有武夷不知有北苑矣吳越間人頗不
足閩茶而甚艷北苑之名實不知北苑在閩中也

御茶園裏築高臺驚蟄鳴金禮數該那識好風生

兩腋都從著力喊山來

御茶園在武夷第四曲喊山臺通仙井皆在園畔

前朝著令每歲驚蟄日有司爲文致祭祭畢鳴金擊鼓臺上揚聲同喊曰茶發芽井水既滿用以製茶上供凡九百九十斤製畢水遂渾濁而縮

崇安仙令遞常供鴨母船開朱映紅急急符催難

挂壁無聊斫盡大王峰

新茶下崇安令例致諸貴人黃冠苦于追呼盡斫所

種武夷真茶久絕矣前俠後廣延建人呼爲鴨母漕篷船

一曲休教松栝長懸崖側嶺展旗槍茗柯妙理全

爲崇十二真人坐大荒

茗柯爲松栢蔽不近朝曦
味多不足地脉他分樹亦

不茂黃冠旣獲茶利遂遍種之一時松栢樵蘇
都盡後百餘年爲茶所困復盡刈之九曲遂濯濯
矣十二真人卽從
王子騫學道者

歙客秦淮盛自誇羅囊珍重過仙霞不知薛老全

蘇意造作蘭香誚閤家

歙人閤汶水居桃葉渡上
予往品茶其家見其水火

皆自任以小酒盞酌客頗極烹飲態正如德山擔
青龍鈔高自矜許而已不足異也林陵好事者常
請閤無茶謂閤客得閤茶咸製爲羅囊佩而嗅之
以代旃檀寶則閤不重汶水也閤客遊林陵者宋
比玉洪仲章輩類依附吳兄強作解事賤家雞而
貴野鷺空爲其所誚歟三山薛老亦秦淮汶水也
薛常言汶水假他味逼在蘭香究使茶之本色盡
失汶水而在閤此亦當色沮薛常住芳巖自爲剪
焙遂欲駕汶水上予謂茶難以薛老論爲善
以蘭香定茶爬見也頗以薛老論爲善

雨前雖好但嫌新火氣難除莫近唇藏得溪紅三

倍價家家賣弄隔年陳

上游山中人類不飲新茶云火氣足以引疾新茶下

質陳者急標以示恐爲新累也價亦三倍

延津廖地勝支提山下萌芽山上奇學得新安方

錫確松蘿小欵恰相宜

前朝不貴閩茶卽貢亦只備宮中浣濯甌盞之需貢

使類以價貨京師所有者納之卽間有採辦皆劍津廖地產非武夷也黃冠每市山下茶登山買之

閩人以粗甌貯茶近鼓山支提新茗出一時學新安製爲方圓錫具遂覺神采奕奕

太姥聲高綠雪芽洞山新泛海天槎茗禪過嶺全

平等義酒應教伴義茶

閩酒數郡如一茶亦類是今年得茶甚夥學坡公義

酒事盡合爲一然與未合無異也綠雪芽太姥山茶名

橋門石錄未消磨碧豎誰教盡荷戈却羨錢家兄

弟貴新衙近日帶松蘿

蔡忠惠茶錄石刻在甌寧邑庠壁間予五年前揭數

紙寄所知今漫漶不如前矣延邵人呼製茶人
爲碧豎富沙陷後碧豎盡在綠林中崇安設令
招黃山僧以松蘿法製建茶遂堪並駕今年予分
得數兩甚珍重之時有武夷松蘿之日

漚麻浥竹斬枿獨有官茶例未除消渴仙人應

愛護漢家舊日祀乾魚

上游人漚麻爲苧浥竹爲
側理斬枿爲器具皆足

自給獨焙茶
大爲黃冠累

再至蕉堂

八月昭陽自荷戈六年踪跡夢中過故人惟有甘
郎在可奈荒城夜雨多

荔琴客子舊蕉民夜夜鄉思淚滿巾再到虛堂全

是雨何如但種欲畱春

欲畱春孟夏始
開卽百葉梔也

榕城夢裏綠氤氳昔昔相期更見君再駕秋聲欺

東坡全集卷之二
旅客從教修竹具彈文

綠天影裏意憧憧種向愁城只自攻一夜雨聲十
斛酒同君戰盡五更鐘

哭樵川趙雒川大令趙旣罷邑復過其地以
病死

短兵相接裏新創令尹曾開百戰場所欠孤城惟
一死故教化鶴到遼陽

鼓聲欲死不堪聞夜夜城頭壓黑雲何事書生貪
血戰錯教父老哭將軍

哭樵川門人楊凌飈

萬山擁客客魂銷舊雨曾來新雨遙何事虛堂孤

燭淚瀟瀟竟夜滴芭蕉

城頭磨楯賦新愁未必遺文盡已收一夜雨聲萬
點淚悔教再過舊并州

唾地新詞破錦囊高樓君自拜滄浪文人命薄將
軍死誰賦城南舊戰場

年年爲客緝遺篇揚子立文見未全逆水遲留十

日話如今始重劍津船

已丑十月予北上凌颺偕朱璧符鄭胎聖送至柘浦

同客嘗荔枝酒客皆未剝荔枝侑以詩

看盡桐花客思侵閩南風味一卮淡雲綃霧縠何
由見但飲香名已醉心

靖公弟至

荒城兀坐對燈殘歸計先愁百八灘
爾又遠來余未去高堂清淚幾時乾

清漳送郭無疆歸莆田

亂餘踪跡與心違北雁誰教嶺外飛
總是猿聲難更聽故鄉作客亦懷歸

過華林寺壽心和上人

春花秋花亂水隈寒枝難待雪相催
倩公頭上千莖白歲歲閒陪幾樹梅

送客過富沙

春風莫更吹天涯黯淡灘頭白板艤
爲憶建南春事好雨餘新笋雨前茶

煙雲供養雪霜顏十萬峰巒老筆間料得使君無
異好入門便話武夷山

節得松霞客不貧破囊老句近猶新相逢遮莫江

南思好月同斟玉帶春

建酒名

海上風齊二月寒詞人愛上大羅灘

灘以昭諫名

臨風

倘憶榕城客容易墻頭荔子丹

送郭去問入燕

反驚君是北行人荏苒烽煙六載身嶺上梅花看
已徧渡河更見一枝新

除夕渡蘆溝

敝車羸馬淚交流僮僕相看歲已週莫訝此回頭

盡白十年八度渡蘆溝

次真定遙祝家慈

乍復陽和雨露寬遙連堂上拜加餐應知共介齊
眉酒更願聞兒客路安

鼓山永覺和尚八十卽用和尚自題小像韻
子癸巳冬同趙卧齋直指王襄璞方伯曾
一登芳巖

城裏看山七八年披雲曾得到公前月明潮落無
些子只有青燈對老禪

閱盡滄桑又幾年蒲團寂歷萬山前多公收拾無
情棒不打書生杜撰禪

次邯鄲簡李浦珠

無途衰柳看斜陽祇覺邯鄲道倍長眼底滄桑猶未悟何須夢裏說黃梁

送鄭丞

七十依親事亦稀黃花白酒歛征騑揮盃却笑陶元亮終歲閒情看客歸

癸巳冬日過華林寺看梅爲詩壽心和上人
今日同王逸菴林涵齋再過其地乃知上人寂去旣已兩載嶺梅欲發客思淒然再
登舊韻示其首座道目

八年踪跡滿山隈去後空聞雪亂催老友遺言羈

客到不須著意看寒梅

題梅花再送道目

今歲嶺南不肯雪年前花事已交殘
憐公親見寒梅落又到黃河冷澹看

送王將軍還里暫遲湖上

穩騎驢背看湖山鼓重旗殷似此閒
一曲臨江仙自好錦還未必勝生還

將軍夜起方居室故劍新開又蒯緱
莫向平原看玉貌傷心同上射鳥樓

百戰曾爭半壁安青門酒盡鼻空酸
錢塘江上逢

黃闕

勅菴

燈下休教看箭瘢

土牆葦屋棗床遮午睡方濃日又斜不爲累臣歸
未得定無清夢渡仙霞

佛生前一日爲予初度神光西禪諸刹爲予
禮懺走筆示法緯開士

橙花香裏唱經時七十雙親苦憶兒聞說釋迦明
日誕應知此際不慈悲

八年恩怨幾僧存短髮羞慙不盡髡今日釋迦猶
未降且從無佛處稱尊

壽昌塔下示竺菴和尚

種田博飯度昏朝掘土翻坑不放鋤大好山中無
住處自家舉火別人燒

懷心持上人安國寺

閒綠亭前看夕陰
甘蕉弱亦有堅林
非關獨愛山
茨好畢竟城中寺
不淡

竹枝詞爲胡彥遠納姬賦

輕風襲襲吹蘭船
但道錢塘路不遙
我有北娘能

說餅

彥遠舊納姬唐山

涵頭莫更戀江瑤

姬涵江人江瑤桂獨出涵江

喃喃細說細君賢
一意溫存百意憐
貪得紫香香

到口瞞人牆外遞金錢

莆中荔枝以紫香爲貴欲得一顆牆外輸金錢一枚

花氣泥人意未舒
難教順水囑雙魚
侍兒偷報仙

霞信再檢黃河八閘書

彥遠黃河八閘寄內書情文備至

蠻粧新樣木蘭陂
學得金陵百事宜

姬初至榕城學爲秣陵粧

莫羨江蘋黃石好

江蘋蒲之黃石人

我儂鄉裏有西施

送宋去損返莆田

上書自附黨人名北海車前賣餅僮却笑羈臣何
意緒梅花欲發客先行

次諸同人茅屋詩

汴水低田四十雙桑麻影裏萬心降羲皇以上人
何似不過臨風卧北窗

禁城萬樹影蒼蒼太液澄波出御牆西務柳邊齊
解棹春風獨爲客心忙

梅花過嶺自無雙凍盡霜根意未降爲謝東風齊
著力一枝先上旅人窗

東下集卷十一
翠柏寒撐雪霰交，仰看高鳥不卑巢。他時旭日和風裏，笑憶霜臺自結茅。

題箬繭畫菊壽王若士

偏從道路歷生辰，難裏相依分外親。共說黃花霜後好，輕舟肯醉異鄉人。

同人柏臺茅屋成

驚濤十丈拍虛舟，一片蘆遮破衲頭。誰道此中無箇事，酒杯詩卷不曾收。遊仙未必此中間，百念難刪竟自刪。亦有白雲時去住，不知何處是溪山。

題羣鴉寒話圖

一天酸話冷霏霏霜雪情多也霽威枯木漸看枝
葉好春風獨愛向南飛

鄭羽人以六聲字詩來和之

真茶漬仰吹瓶笙茅屋溫風散粥飴欲煮新泉敲
火石羊腸道上聽車聲

室中狡獪憾方平鳥爪羞慙念未萌自是神仙鞭
朴巧著來背上盡無聲

湯火雞燂夢亦驚屠酤却肯證無生朝朝四面關
心画變相圖成更有聲

鄧艾圖開局未成曾無剝啄到楸枰堪憐黑夜憎
騰事置子微聞姑婦聲

潞河女子罷紛爭曉角吟風一葉輕不信金函容
易得銅臺高揭水無聲

鼠肝鵬背舊忘情方寸俄看五岳生華頂雷鳴聞
下界小兒隱隱作啼聲

籠中并命自關情偃僂先生負缺行半載牆頭一
見面土花浥淚不成聲

和風煖吹掬花瓊自有春光遍帝京抖擻毒塵千
萬斛玉晨共聽步虛聲

王壽格三十初度壽格諠不受祝予亦不敢

祝人得二十八字聊鳴悞憶

身是孤兒猶被繫

時壽格方
哭太翁

年方三十已懸車知

君不戀飛鴻雪應爲慈幃賦遂初

羈室中客因予客歲可憐明日又清明之句
爲數絕句予復用原韻

辟疆園裏舊班荆千樹橙花香滿城好句多堪圖
主客羈人偏只記清明

歲時獨爲客心更七月洪塘江上行駛雨庖風沙
土面此中何日不清明

成都成邑自爲營火伴相看卧滿楹更比上河橋
畔鬧擇端變樣画清明

天雞盡夜有高聲一曜新開古貫城不識春光何
地是銀鐙影裏拜清明

敝裘乍脫識衣輕三月驚看雪始晴
借得紙錢南向哭可憐今日是清明

榕城小婦罷吹笙昨夜書來夢未成
折得柳條空掩淚長安有客憶清明

千秋士女戲新晴拂拂香塵畫碧輕
莫道風光難望見春明門外有清明

榻前十笏自經行散漫春風古帝京
榆火茶煙曾未識不知何事似清明

思家動是七千程桃李無言柳未生
百十多人連貫索放聲天外哭清明

空桑有子意惻惻永夜琴彈韻未成
三歲母前無

一哭人間獨我不清明

賴古堂集卷之十一終